



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCCXVIII. Der Rath zu Salzwedel bekundet die aus der Verlassenschaft
des Priesters Johann Lemme in der Katharinenkirche vorgenommene
Commendenstiftung, am 27. Okt. 1471.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

dat in deme perwer by Herme ludikens an eyner vnnnd Cord schreyan an der anderen ziden belegen isz, besittere den vpgnanten vorstenderen vnnnd oren nakomelingen alle Jarliges to ver tyden des Jares, alzē to Sunte Michaelis dage, to wynachten, to pasken vnnnd to Sunte Johannis baptisten dage, to eyner jewelken tyd veer schillinge der ergnanten weringe, gutliken vnnnd wol betalen, Doch so mede inn bescheyden, dat de vorbenomde Hinrik der upgnanten mark penninge sik eynes wedderkopes fry beholden hefft, Alzē wanner deme suluen Hinrike edder fynes erues besitter sodans bequeme isz vnnnd sodanne mark penninge jarliker Renthe wedder afflozen willen, denne scholen see den erbenomeden vorstenderen edder oren nakomelingen Sodanne twintig mark penninge der ergenomden weringe Houetsuls mid allen bedageden vnnnd nastendigen Renthen vul vnnnd al entrichten vnnnd betalen. Wanner dat tor noge denne also gescheen isz, Schal Hinrik vnze vnderlate vnnnd fynes erues besittere wedder fry, quyt vnnnd desse breff machtloefz syn. Des to furder technisse hebbe wy Johan, prouest upgemeld, vnnser vpgnanten proustien ingefegel heyten vnnnd laten hengen an dessen breff. Gegeuen Na cristu gebord Dufent vierhundert dar na im negenvnndsoftigsten Jare, Ame dage Johannis baptisten.

Nach dem Originale des Salzwedeler Archives XXXVIII, 93.

CCCCXVIII. Der Rath zu Salzwedel befundet die aus der Verlassenschaft des Priesters Johann Lemme in der Katharinenkirche vorgenommene Commendensiftung, am 27. Okt. 1471.

Wy Clawefz moller de Junge, wilhelm bormester, Role gladegow, Hanz rodenze, Diderik algenstede, Tyde wolter, Hinrick grotayan, Jacob mechow, Albrecht brunnow, Hanz seluelde, werner wittecop, Hanz bock, Otte borchholte, Clawefz erkfleue, Heyne neylink, wolter wolters, Jurgen schulten vnnnd Hanz werkmester, Radmanne der Stad Soltwedel, Bekennen apenbar tugende vor allifweme, dat vor vnz synt gewesen de Erwerdigen Presteren Eren Hinrick ritzfleue vnnnd Eren Nicolaus moller, prester, testamentarii defz seligen Eren Johannisz lemme, ok presterz defz Stichtes to verden, vnnnd hebben vnz witlik gemaket den lesten willen defz gnanten Eren Johannis lemme, Alzō dat sze van syner bovelinge wegen vth synem lesten willen myt wytschop vnnnd vulbord defz Erwerdigen heren Eren Johannisz verdemann, vnsefz prowestfz to Soltwedel, gode vnnnd syner leuen moder marien vnnnd aller hemmelschen scharen to laue vnnnd Eren, syner Eygen, syner leefhoueden vnnnd aller crysten zelen szalicheyt myt vnfs in Sunte katherynen kerke belecht, begrepen vnnnd gemaket hebben, jegenwardigen beleggen, begripen vnnnd maken ewichliken to blyuende Twehundert mark vnnnd achtentich mark penninge Soltwedelscher weringe houetsulfs, de an gude wisse rente na lude der vorsegelden breue, dar auer gegeuen, belecht, de myt deffer fundacien by vnfs in guder bewaringe liggen vnnnd liggen schullen, Een nyge mysse bock, Dree kafelen, Twe aluen vnnnd Een agnus dei to behoof eyner Commenden vnnnd myssen in der vorbenomeden Sunte katherynen kerke to defz kerkheren altar, gewyget in de ere aller hulgen, van eyneme prestere, deme de myssen beualen werden, wan eme god de gnade gyfft vnnnd to deme alder ryngesten Jo in der weken dree myssen, Iso defz dagefz tydich yfs to holdende vnnnd de almyssen to vorbiddende. Desse Commende vnnnd mysse to holdende hefft de vor-

gnante Eren Johan lemme personliken bevalen in syneme testamente Eren Hinrick ritzfleue, vorgnant, deme wy ok der also tostan de tyd synes leuendens, vnd wan demfuluen Eren Hinrick ritzfleue vorgnant dat also boqweme ifs in syner wolmacht effte krankendage, mach vnd schall he myt vuller macht de sulue Commende vnd myssen eyneme armen presteren edder de in deme Jare prester werden wyll, de tyd synes leuendens toseggen vnd bovelen. Wan ouerst desse vorgnante Eren Hinrik vnd syn erste navolger van dodes weggen vorvallen syn, So denne vnd nicht eer schollen vnd willen wy vnd vnse nakomelynge desse sulue Commende vnd myssen alle jarliges, wan de Commende loefs werd, eyneme armen presteren edder schollre, in der gnanten Eren Johan lemme edder Eren Hinrik ritzfleue flechte geboren, de dar biddende yfs, vmme godefs willen ewichliken to hebbende bovelen. Were ouerst in den flechten nen presteren edder clerick, sfo vorgeroret yfs, dar to geschicket, So denne schullen wy vnd vnse nakomere de Commende vnd myssen eynem anderen armen presteren effte Clerik, de in deme Jare prester werden will, dorch god ewichliken to beholdende bovelen. Vortmer wan de hebbere der Commenden vnd myssen na Eren Hinrik ritzfleues dode de suluen personliken nicht bolesst, so schall syn officiante de hellste der rente, dar de Commende leggenwardigen vnd noch to kamende mede begrepen vnd gesterket werd, rowelken vthmanen, vppboren vnd vor syn arbeyd entfangen, Vnd dat ander deel der renten alle Jarlikes by den Rad in de stede, dar de vorgnanten breue liggen, to vorwarende bringen, dar van men schall dat myfzgerede vnd renten in wesende holden vnd wefs dar brok yfs to tugende. Vnde de sulue Commendista effte syn Officiante schall vth den wyffesten vnd redesten renten der Commende alle Jarlikes ewichliken vpp den Achteden dach Vistationis Marie edder dar by, wan id der kerken boqweme yfs, don vnd beghan laten Eren Johan lemme vorgnant vnd syner leeffhoueden zelen dechtnysse myt vigilien vnd zelemysen vormiddelst den presteren der kerken, de dar leggenwardigen szyn, Enen kerkheren vnd beyden Cappellanen gheuen vnd like deylen Eene mark penninge, so yd wontlik yfs. Worde ouerst de rente een deel effte alle wedder affgelecht, So denne schall de Commendiste den houetsummen wedderbringen vnd leggen by desse fundacien an de stede der breue. Wy vnd vnse nakomere willen vnd schullen myt rade vnd vulbord des Commendisten de suluen houetsummen van stund, wan id szo gestadet, an gude wisse gudere vnd rente geuen wedder beleggen. Vnd de wyle dat geld szo stille licht, mak syk de Commendiste entholden vnd de Rad schall des nicht stan to schaden. Vppe dat wy vnd vnse nakomere desfer Commenden vnd myssen yo vlitigen andechtich syn vnd in stede vorwaringe vnd vorhege gerne holden schullen, Schall de Commendista vnse vnd vnser nakomeren alle Jarlikes Een stoueken wynes, wan sik de Rad scheydet, gudwilligen gheuen vnd schenken. Desses to mer tuchnisse yfz vnser der Nigenstad Ingefelge myt vnser witschopp gehangen nedden an dessen breff. Geuen na cristi gebord veerteynhundert jare, dar na Ammen Een vnd Souentigsten jare, In deme auende Simonis et jude.

Nach dem Originale des Salz. Archives XXXII, 83.